

**ԴԵՂԻ ՕԳՏԱԳՈՐԾՄԱՆ ՀՐԱՀԱՆԳ**  
**(ՆԵՐԴԻՐ-ԹԵՐԹԻԿ)**  
**ՏԵՂԵԿԱՏՎՈՒԹՅՈՒՆ ՍՊԱՌՈՂԻ ՀԱՄԱՐ**  
**Զիրտեկ**  
**Թաղանթապատ դեղահատեր 10 մգ**

ցետիրիզինի դիհիդրոքլորիդ

**Ուշադիր կարդացեք ներդիր-թերթիկն ամբողջությամբ՝ նախքան դեղի ընդունումը, քանի որ այն պարունակում է կարևոր տեղեկատվություն:**

- Միշտ ընդունեք դեղը ներդիր-թերթիկի, բուժող բժշկի կամ դեղագետի հրահանգներին համապատասխան:
- Պահեք այս ներդիր-թերթիկը: Հնարավոր է այն կրկին կարդալու կարիք լինի:
- Եթե ունեք լրացուցիչ հարցեր, դիմեք բժշկի կամ դեղագետի:
- Եթե ի հայտ է եկել որևէ կողմնակի ազդեցություն, այդ թվում՝ նաև այնպիսին, որը ներառված չէ այս ներդիր-թերթիկի «Ինչպիսի կողմնակի ազդեցություններ կարող են առաջանալ» 4-րդ բաժնում, ապա խորհրդակցեք բուժող բժշկի կամ դեղագետի հետ:
- Եթե դեղը երեք օր ընդունելուց հետո հիվանդության ախտանիշները վատթարացել են կամ չեն բարելավվել, դիմեք բժշկի:

**Ինչ բովանդակություն ունի այս ներդիր-թերթիկը**

1. Ինչ է Զիրտեկ դեղը և ինչի համար է այն օգտագործվում:
2. Ինչ պետք է իմանալ Զիրտեկ դեղն ընդունելուց առաջ:
3. Ինչպես ընդունել Զիրտեկ դեղը:
4. Ինչպիսի կողմնակի ազդեցություններ կարող են առաջանալ:
5. Ինչպես պահել Զիրտեկ դեղը:
6. Ինչ է պարունակում դեղի փաթեթը և այլ տեղեկություններ:

**1. ԻՆՉ Է ԶԻՐՏԵԿ ԴԵՂԸ ԵՎ ԻՆՉԻ ՀԱՄԱՐ Է ԱՅՆ ՕԳՏԱԳՈՐԾՎՈՒՄ**

Զիրտեկ դեղի ակտիվ բաղադրատարրը ցետիրիզինն է: Ցետիրիզինը պատկանում է «հակահիստամիններ» կոչվող հակաալերգիկ դեղերի խմբին:

Զիրտեկ դեղը կիրառվում է ալերգիկ վիճակները պայմանավորող այնպիսի ախտանիշների բուժման համար, ինչպիսիք են՝

- սեզոնային և շուրջտարյա ալերգիկ ռինիտի դեպքում՝ քթի և աչքերի հետ կապված ախտանիշները,
- քրոնիկական եղնջացանի դեպքում՝ ցանավորումն ու քորը:

## 2. ԻՆՉ ՊԵՏՔ Է ԻՄԱՆԱԼ ՁԻՐՏԵԿ ԴԵՂՆ ԸՆԴՈՒՆԵԼՈՒՑ ԱՌԱՋ

### Մի օգտագործեք Ձիրտեկ դեղը, եթե

- ունեք **ալերգիա** (գերզգայունություն) ցետիբիզինի, հիդրօսիզինի, պիպերազինի ցանկացած ածանցյալի (այլ դեղերի նման ակտիվ բաղադրատարրեր) կամ Ձիրտեկ դեղի ցանկացած այլ օժանդակ նյութի նկատմամբ (դրանք թվարկված են ներդիր-թերթիկի 6-րդ բաժնում),
- ունեք **երիկամների ծանր հիվանդություն** (երիկամների ֆունկցիայի ծանր խանգարում՝ կրեատինինի մաքրման ցուցանիշը ցածր է 10 մլ/րոպե ցուցանիշից),
- ընդունում եք այլ հակաալերգիկ դեղեր:

➔ Եթե կարծում եք, որ վերոնշյալ վիճակներից որևէ մեկը վերաբերում է Ձեզ, **մի օգտագործեք** Ձիրտեկ դեղն առանց բուժող բժշկի հետ խորհրդակցելու:

### Կիրառման հատուկ հրահանգներ և նախազգուշացումներ

Ձիրտեկ դեղը կիրառելիս ցուցաբերեք հատուկ զգուշություն:

Ձիրտեկ դեղն ընդունելուց առաջ խորհրդակցեք բուժող բժշկի կամ դեղագետի հետ.

- եթե ունեք **երիկամների հիվանդություն** (բուժող բժիշկը կարող է նվազեցնել Ձիրտեկ դեղի դեղաչափը),
- եթե ունեք **միզարձակման դժվարություններ** կամ այնպիսի հիվանդություն, որն ամենայն հավանականությամբ անհնար է դարձնում դատարկել միզապարկը, օրինակ՝ **ողնուղեղի վնասվածք** կամ **շագանակազեղձի մեծացում**,
- եթե ունեք **էպիլեպսիա** կամ ցնցումների առաջացման բարձր ռիսկ,
- եթե հղի եք կամ կերակրում եք կրծքով (տես «Կիրառումը հղիության և կրծքով կերակրման շրջանում», 2-րդ բաժնում):

Ձիրտեկ դեղը պարունակում է լակտոզա: Դեղի կիրառումը խորհուրդ չի տրվում գալակտոզայի նկատմամբ անտանելիություն, Լապպ-լակտազա ֆերմենտի անբավարարություն կամ, գլյուկոզայի կամ գալակտոզայի մալաբսորբցիայի համախտանիշ (հազվադեպ հանդիպող ժառանգական հիվանդություններ) ունեցող պացիենտների շրջանում:

➔ **Խորհրդակցեք բուժող բժշկի հետ**, եթե կարծում եք, որ վերոնշյալ վիճակներից որևէ մեկը վերաբերում է Ձեզ:

### Երեխաներ

Խորհուրդ չի տրվում Ձիրտեկ դեղի թաղանթապատ դեղահատերը կիրառել 6 տարեկանից ցածր երեխաների շրջանում, քանի որ այս դեղաձևը հարմար չէ դեղաչափի համապատասխան ճշգրտում իրականացնելու համար:

### Ձիրտեկ դեղի կիրառման ընթացքում

- Խուսափեք ալկոհոլի օգտագործումից:

- Ձիրտեկ դեղը կարող է ազդել Ձեր **ալերգիայի թեստի** արդյունքների վրա: Եթե պատրաստվում եք կատարել ալերգիայի թեստավորում, ապա խորհրդակցեք բուժող բժշկի հետ՝ թեստավորումից մի քանի օր առաջ Ձիրտեկ դեղի օգտագործումը դադարեցնելու անհրաժեշտության մասին:
- Դիմեք բուժող բժշկին, եթե ունեք բարձր ջերմություն (տենդ), դող կամ սարսուռ, հնարավոր է անհրաժեշտ լինի բուժման այլ տարբերակ:

### **Հատուկ ուշադրություն պահանջող վիճակներ**

Ձիրտեկ դեղը կարող է խորացնել առկա որոշ հիվանդություններ կամ առաջացնել **ծանր ալերգիկ ռեակցիաներ** կամ **միզակապություն**: Ձիրտեկ դեղն ընդունող որոշ պացիենտների շրջանում կարող են առաջանալ ինքնասպանության մտքեր: Ձիրտեկ դեղի կիրառման ընթացքում ցանկացած խնդրի առաջացման վտանգը նվազեցնելու համար հարկավոր է հետևել որոշակի ախտանիշների: Տես **«Հատուկ ուշադրություն պահանջող վիճակներ»** 4-րդ բաժնում:

### **Ձիրտեկ դեղի և այլ դեղերի միաժամանակյա կիրառումը**

**Տեղյակ պահեք բուժող բժշկին կամ դեղագետին, եթե ընդունում եք** կամ վերջերս ընդունել եք կամ պատրաստվում եք ընդունել որևէ այլ դեղ՝ ներառյալ առանց դեղատոմսի բաց թողնվող դեղերը:

Որոշ դեղեր կարող են ազդել Ձիրտեկ դեղի ազդեցության մեխանիզմի վրա և, ամենայն հավանականությամբ, կարող են նպաստել կողմնակի ազդեցությունների զարգացմանը: Ձիրտեկ դեղն իր հերթին նույնպես կարող է ազդել այլ դեղերի ազդեցության վրա: Այդպիսի դեղերից են՝

- գլխուղեղի վրա ազդող դեղերը, օրինակ՝ **այլ հակահիստամինային դեղեր** (օրինակ՝ հիդրօքսիզին, կլեմաստին), **տազնապամարիչներ** (մասնավորապես՝ դիազեպամ), **քնաբերներ** (օրինակ՝ գոլպիդեմ) (Ձիրտեկի և գլխուղեղի վրա ազդող այլ դեղերի միաժամանակյա օգտագործումը կարող է հանգեցնել օրգանիզմի ռեակցիաների արագության լրացուցիչ նվազման և աշխատունակության անկման. տես **«Ձիրտեկ դեղի ընդունումը սննդի և ալկոհոլի հետ»**՝ 2-րդ բաժնում):

➔ **Եթե ընդունում եք վերոնշյալ դեղերից որևէ մեկը**, այդ մասին տեղեկացրեք բուժող բժշկին կամ դեղագետին:

### **Ձիրտեկ դեղի ընդունումը սննդի և ալկոհոլի հետ**

Ձիրտեկ դեղի կիրառման ընթացքում խուսափեք ալկոհոլի օգտագործումից: Չզայուն պացիենտների շրջանում Ձիրտեկ դեղի և ալկոհոլի միաժամանակյա օգտագործումը կարող է հանգեցնել օրգանիզմի ռեակցիաների արագության լրացուցիչ նվազման և աշխատունակության անկման:

### **Կիրառումը հղիության և կրծքով կերակրման շրջանում**

**Խորհուրդ չի տրվում Ձիրտեկ դեղը կիրառել հղիության շրջանում:**

- Տեղեկացրեք բուժող բժշկին, **եթե հղի եք** կամ պլանավորում եք հղիություն:
- Տեղեկացրեք բուժող բժշկին, **եթե հղիացել եք** Ձիրտեկ դեղի կիրառման շրջանում:

Զիրտեկ դեղի կազմում առկա նյութերը կարող են ներթափանցել կրծքի կաթ: **Եթե կերակրում եք կրծքով**, նախքան Զիրտեկ դեղն օգտագործելը **խորհրդակցեք բուժող բժշկի հետ:**

**Ազդեցություն ուշադրություն պահանջող գործողությունների վրա (փոխադրամիջոցների վարում, սարքավորումների հետ աշխատանք)**

Քիչ հավանական է, որ Զիրտեկ դեղը թույլատրելի դեղաչափերով ընդունելիս կարող է ազդել փոխադրամիջոցներ վարելու և բարդ մեխանիզմների հետ աշխատելու կարողությունների վրա: Այնուամենայնիվ, Զիրտեկ դեղն օգտագործելիս որոշ պացիենտների մոտ կարող է առաջանալ քնկոտություն, հոգնածություն կամ թուլություն (տես «**Ինչպիսի կողմնակի ազդեցություններ կարող են առաջանալ**» 4-րդ բաժինը):

➔ **Մի վարեք մեքենա և մի աշխատեք բարդ մեխանիզմների հետ**, եթե համոզված չեք, որ դեղը չի ազդել Ձեր ռեակցիաների արագության և աշխատունակության վրա:

### **3. ԻՆՉՊԵՍ ԸՆԴՈՒՆԵԼ ՁԻՐՏԵԿ ԴԵՂԸ**

**Ինչ դեղաչափով ընդունել Զիրտեկ դեղը**

**Միշտ ընդունեք Զիրտեկ դեղն այս ներդիր-թերթիկին, բուժող բժշկի կամ դեղագետի ցուցումներին խիստ համապատասխան:** Եթե համոզված չեք, թե ինչպես պետք է դեղն ընդունել, խորհրդակցեք բուժող բժշկի կամ դեղագետի հետ:

**Մի գերազանցեք** թույլատրելի դեղաչափը:

**Մի օգտագործեք Զիրտեկ դեղը 7 օրից ավելի տևողությամբ՝** առանց բուժող բժշկի կամ դեղագետի հետ խորհրդակցելու:

➔ **Դիմեք բժշկի**, եթե Ձեր ախտանիշները վատթարանում են կամ չեն թեթևանում դեղի կիրառումից 3 օր անց:

**Զիրտեկ դեղի կիրառումը 12 տարեկանից բարձր երեխաների և դեռահասների շրջանում**

Զիրտեկ դեղի թույլատրելի դեղաչափը 10 մգ (մեկ դեղահատ) է՝ օրական մեկ անգամ:

**Զիրտեկ դեղի կիրառումը 6-12 տարեկան երեխաների շրջանում**

Զիրտեկ դեղի թույլատրելի դեղաչափը 5 մգ (կես դեղահատ) է՝ օրական երկու անգամ:

**Զիրտեկ դեղի կիրառումը 2-6 տարեկան երեխաների շրջանում**

6 տարեկանից ցածր երեխաների շրջանում խորհուրդ չի տրվում կիրառել Զիրտեկ դեղի թաղանթապատ դեղահատեր, քանի որ այս դեղաձևը հարմար չէ դեղաչափի համապատասխան ճշգրտում իրականացնելու համար:

**Երիկամների կամ լյարդի հիվանդություններ ունեցող պացիենտներ**

Զիրտեկ դեղի Ձեզ համապատասխան դեղաչափը կորոշի բժիշկը՝ հիմնվելով նախքան բուժումը սկսելը կատարվող արյան հետազոտությունների արդյունքների վրա: Երիկամային անբավարարության վերջին փուլում գտնվող պացիենտների շրջանում Զիրտեկ դեղի կիրառումը հակացուցված է (տես «**Մի օգտագործեք Զիրտեկ դեղը**» 2-րդ բաժնում):

Եթե Ձեր երեխան ունի երիկամների հիվանդություն, տեղեկացրեք այդ մասին բուժող բժշկին կամ դեղագետին, ովքեր կարող են դեղաչափի անհրաժեշտ ճշգրտումներ կատարել:

### **Ինչպես ընդունել Ձիրտեկ դեղը**

Դեղահատը պետք է կուլ տալ ամբողջական, մեկ բաժակ ջրով: Դեղահատը կարելի է կիսել՝ բաժանելով երկու հավասար դեղաչափերի:

### **Եթե դուք մոռացել եք ընդունել Ձիրտեկ դեղը**

**Չի կարելի ընդունել կրկնակի դեղաչափ՝ բաց թողնված դեղաչափը լրացնելու նպատակով:**  
Պարզապես հաջորդ դեղաչափն ընդունեք նախատեսված ժամին:

➔ **Եթե որևէ հարցում վստահ չեք,** դիմեք բուժող բժշկին կամ դեղագետին:

### **Եթե գերազանցել եք դեղաչափը՝ ավելի շատ դեղահատեր եք ընդունել, քան թույլատրելի է**

Եթե Ձիրտեկ դեղն ընդունել եք ավելի բարձր դեղաչափերով, ապա այդ մասին **տեղեկացրեք բուժող բժշկին կամ դեղագետին:** Հնարավորության դեպքում բժշկին կամ դեղագետին ցույց տվեք Ձիրտեկ դեղի փաթեթը:

Եթե գերազանցել եք Ձիրտեկ դեղի թույլատրելի դեղաչափը, ապա մեծ է հավանականությունը, որ Ձեզ մոտ կարող են ի հայտ գալ կողմնակի ազդեցություններ, օրինակ՝ գիտակցության մթազնում, փորլուծություն, գլխապտույտ, հոգնածություն, գլխացավ, սկարություն, բբի լայնացում, քոր, դրդվածություն, անդորր, քնկոտություն, ընդարմացում, անկանոն հաճախակի սրտխփոցք, սրեմոր և միզակապություն:

### **Եթե դուք դադարեցնում եք Ձիրտեկ դեղի ընդունումը**

Դեղի ընդունման դադարեցման դեպքում քիչ հավանականությամբ կարող է առաջանալ քոր (ուժեղ քոր) և(կամ) եղնջացան:

Եթե այս դեղի օգտագործման վերաբերյալ ունեք լրացուցիչ հարցեր, ապա դիմեք բուժող բժշկին կամ դեղագետին:

## **4. ԻՆՉՊԻՄԻ ԿՈՂՄՆԱԿԻ ԱԶԴԵՑՈՒԹՅՈՒՆՆԵՐ ԿԱՐՈՂ ԵՆ ԱՌԱՋԱՆԱԼ**

Ինչպես բոլոր դեղերը, Ձիրտեկ դեղը նույնպես կարող է առաջացնել կողմնակի ազդեցություններ, թեև ոչ բոլոր պացիենտների մոտ դրանք կարող են դրսևորվել:

### **Հատուկ ուշադրություն պահանջող վիճակներ**

**Ծանր ալերգիկ ռեակցիաներ.** հնարավոր են հետևյալ դրսևորումները.

- քորով ուղեկցվող մաշկի ուռուցիկ ցան (եղնջացան),
- այտուցներ դեմքի կամ բերանի շրջանում (անոթանյարդային այտուց), կլման կամ շնչառության դժվարացում,
- կոլապս կամ գիտակցության կորուստ:

**Միզակապություն.** հնարավոր են հետևյալ դրսևորումները՝

- ցավոտ միզարձակում կամ միզելու անկարողություն (միզակապություն)

**Ինքնասպանության մտքեր.** Ձիրտեկ դեղի կիրառման ընթացքում որոշ պացիենտներ ունեցել են ինքնասպանության մտքեր:

➔ **Անհասպաղ դիմեք բժշկի,** եթե Ձեզ մոտ դրսևորվել է վերոնշյալ ախտանիշներից որևէ

մեկը: **Դադարեցրեք Ձիրտեկ դեղի կիրառումը:**

**Հաճախ հանդիպող կողմնակի ազդեցություններ (կարող են առաջանալ ոչ ավելի քան 10 պացիենտներից մեկի մոտ)**

- քնկոտություն,
- գլխապտույտ, գլխացավ,
- ֆարինգիտ, ոինիտ (երեխաների շրջանում),
- փորլուծություն (երեխաների շրջանում), սրտխառնոց, բերանում չորություն,
- հոգնածություն:

**Ոչ հաճախ հանդիպող կողմնակի ազդեցություններ (կարող են առաջանալ ոչ ավելի քան 100 պացիենտից մեկի մոտ)**

- տազնապային դրդվածություն,
- պարեսթեզիա (ծակծկոց կամ թմրություն ձեռքերում և ոտքերում),
- փորլուծություն,
- ցավ որովայնի շրջանում,
- քոր, ցան,
- ասթենիա (անսովոր թուլության), տկարություն:

**Հազվադեպ հանդիպող կողմնակի ազդեցություններ (կարող են առաջանալ ոչ ավելի քան 1000 պացիենտից մեկի մոտ)**

- գերզգայունություն,
- ագրեսիա, գիտակցության մթազնում, ընկճված վիճակ, հայրուցինացիա, անքնություն,
- ցնցումներ,
- հաճախասրտություն (արագ սրտխփոց),
- լյարդի ֆունկցիայի շեղումներ (արյան հետազոտությունների արդյունքների հիման վրա),
- եղնջացան,
- այտուց (այտուցվածություն),
- քաշի ավելացում:

**Շատ հազվադեպ հանդիպող կողմնակի ազդեցություններ (կարող են առաջանալ ոչ ավելի քան 10000 պացիենտից մեկի մոտ)**

- արյան մեջ թրոմբոցիտների քանակի պակաս (թրոմբոցիտոպենիա),
- անաֆիլաքսային շոկ (տես «Ծանր ալերգիկ ռեակցիաներ» 4-րդ բաժնում),
- ջղաձգումներ (մարմնի անվերահսկելի շարժումներ),
- համի զգացողության խանգարում կամ կորուստ (դիսզեվզիա), ակամա շարժումներ (դիսկինեզիա), մկանային անհսկելի կծկումներ (դիստոնիա), ուշաթափություն (ուշազնացություն), տրեմոր,
- ակոմոդացիայի (աչքի հարմարեցումը մոտիկ/հեռու տեսողության համար) խանգարում, պոտոր տեսողություն, ակնագնդերի շարժում (աչքի անվերահսկելի

շրջանաձև շարժումներ),

- անոթանյարդային այտուց (ծանր ալերգիկ ռեակցիա, որն արտահայտվում է դեմքի կամ կոկորդի այտուցմամբ), դեղային կայուն էրիթեմա,
- ցավոտ միզարձակություն (դիզուրիա) (տես «Միզակապություն» 4-րդ բաժնում):

### **Այլ կողմնակի ազդեցություններ**

Անհայտ հաճախականությամբ դիտվել են հետևյալ կողմնակի ազդեցությունները (առկա տվյալների հիման վրա հնարավոր չէ գնահատել հաճախականությունը)`

- ախորժակի լավացում,
- ինքնասպանության մտքեր (տես «Ինքնասպանության մասին մտքեր» 4-րդ բաժնում),
- մղձավանջներ,
- հիշողության կորուստ (ամնեզիա), հիշողության խանգարում,
- գլխապտույտ (վերտիգո),
- լյարդի բորբոքում,
- միզակապություն (միզարձակման դժվարություն) (տես «Միզակապություն» 4-րդ բաժնում),
- հոդացավ,
- թարախային բշտերով ցան,
- ուժեղ քոր դեղի ընդունումը դադարեցնելուց հետո:

→ **Տեղեկացրեք բուժող բժշկին կամ դեղագետին**, եթե վերոնշյալ որևէ կողմնակի ազդեցություն սրվում է կամ սկսում է անհանգստություն պատճառել, ինչպես նաև, եթե ի հայտ են գալիս կողմնակի ազդեցություններ, որոնք թվարկված չեն այս ներդիր-թերթիկում:

### **Կասկածելի կողմնակի ազդեցությունների վերաբերյալ հաղորդում**

Կողմնակի ազդեցության ի հայտ գալու դեպքում այդ մասին տեղեկացրեք բժշկին կամ դեղագետին: Մա վերաբերում է նաև այս ներդիր-թերթիկում չնշված որևէ այլ կողմնակի ազդեցությանը: Դուք կարող եք կողմնակի ազդեցության մասին ուղղակիորեն առցանց հաղորդել ՀՀ ԱՆ ակադեմիկոս Է.Գաբրիելյանի անվան դեղերի և բժշկական տեխնոլոգիաների փորձագիտական կենտրոն՝ հետևյալ հղումով. [www.pharm.am](http://www.pharm.am) կամ զանգահարել թեժ գիծ՝ հետևյալ հեռախոսահամարներով. (+374 10) 20 05 05 և (+374 96) 22 05 05:

Կողմնակի ազդեցությունների մասին հաղորդելով՝ դուք նպաստում եք այս դեղի անվտանգության վերաբերյալ լրացուցիչ տեղեկատվության ապահովմանը:

### **5. ԻՆՉՊԵՍ ՊԱՇԵԼ ԶԻՐՏԵԿ ԴԵՂԸ**

Մի պահեք Զիրտեկ դեղը 30°C-ից բարձր ջերմաստիճանի պայմաններում:

Զիրտեկ դեղը պահեք երեխաների համար անտեսանելի և անհասանելի տեղում:

Մի օգտագործեք դեղը տուփի վրա նշված պիտանիության ժամկետի ավարտից հետո:

Դեղերը չի կարելի նետել կոյուղի կամ կենցաղային թափոնների մեջ: Չօգտագործված դեղերի հետ վարվելու մասին հարցրեք դեղագետին: Այս միջոցառումներն ուղղված են շրջակա միջավայրի պահպանությանը:

## **6. ԻՆՉ Է ՊԱՐՈՒՆԱԿՈՒՄ ԴԵՂԻ ՓԱԹԵԹԸ ԵՎ ԱՅԼ ՏԵՂԵԿԱՏՎՈՒԹՅՈՒՆ**

### **Ինչ է պարունակում Զիրտեկ դեղը**

Զիրտեկ դեղի ակտիվ բաղադրատարրը ցետիրիզինի դիհիդրոքլորիդն է:

Զիրտեկ դեղի յուրաքանչյուր թաղանթապատ դեղահատը պարունակում է 10 մգ ցետիրիզինի դիհիդրոքլորիդ:

Օժանդակ նյութեր՝ միկրոբյուրեղային ցելյուլոզ, լակտոզայի մոնոհիդրատ, կոլոիդային անջուր սիլիցիումի երկօքսիդ, մագնեզիումի ստեարատ:

Դեղահատի թաղանթը պարունակում է՝ հիդրօքսիպրոպիլմեթիլցելյուլոզ (E464), տիտանի երկօքսիդ (E171), մակրոգոլ 400:

### **Ինչ տեսք ունեն Զիրտեկ դեղահատերը և ինչ է պարունակում փաթեթը**

Պլիվինիլքլորիդ/պլումինե փայլաթիթեղից պատրաստված շրջագծված բնիկավոր բլիստերը պարունակում է 7 թաղանթապատ դեղահատ:

Ստվարաթղթե տուփի մեջ տեղադրված է 1 շրջագծված բնիկավոր բլիստեր՝ ներդիր-թերթիկի հետ միասին:

### **Գրանցման հավաստագրի իրավատեր և արտադրող**

*Գրանցման հավաստագրի իրավատեր*

ԳլաքսոՍմիթԿլայն Էքսպորտ Լտդ

Միացյալ Թագավորություն, ՏՎՑ 9ԳՍ, Միդլեսեքս, Բրենտֆորդ, 980 Գրեյթ Վեստ Ռոուդ,

*Արտադրող*

Աեսիկա Ֆարմալուտիկալս Ս.Ն.Լ.

Իտալիա, 15-10044 Պիանեզա (SO), Վիա Պրագլիա

### **Տեքստի վերանայման ամսաթիվ**

29.04.2020թ.